

Schreiben von Ulrich von Brandis, Vogt zu Feldkirch, an Bürgermeister und Rat von Chur betreffend die Bitte, sich dafür zu verwenden, dass der von Caspar Tscharner bei einem Gütertransport ins Veltlin ohne Grund aufgehaltene Jos Bartholome von Sattains von seinem ihnen gegenüber abgegebenen Versprechen, auf eine Weiterfahrt zu verzichten und die Güter auszuhändigen, entbunden werde, und diesem sowie den übrigen Untertanen der österreichischen Herrschaft die Strassen für die Ausübung des Transportgewerbes nicht zu versperren.

Or. (A), StadtA Chur, RA. 1470.014. – Pap. 31,7/22,2 cm. – Siegelreste. – Anschrift: Den ersamen vnd wysen burgermaister vnd rate zu Chur, minen gutten fründen.

l¹ Min^{a)} willig fruntlich dinst zuuor, ersamen vnd wysen lieben fründ. Jos Bartholome von Sattains¹ hat mir furbracht, l² wie als er yetzo mit sinen rossen hab wellen gen Veltlin² faren, habe Caspar Scharner vnderstannden, l³ jn mit sinem gut vf zu halten, das aber durch vch dessmals gewenndet sye worden. Doch so habe l⁴ er vch by truwen gelobt vnd versprechen müssen, an der widerfart nicht für zu faren, sonnder l⁵ solich sin hab vch zu anttwurten, der vrsach halb, als Scharner nüt witren sach zu tünd habe etc. l⁶ Das mich ettwas vnbillich hat, nachdem Jos Bartholome jm nichtzit schuldig ist, das ouch Caspar l⁷ Scharner, als jr selbs wol versteen mügen, nach lut siner rechtlichen erlangung nicht zu tünd hat. l⁸ Darumb angesehen solich vrsach vnd damit nicht mer jrrung der sachen halb vfferstannde, so l⁹ bitt jch vch mit vlis begerende, jr wellen daran sin vnd souil bestellen, damit derselb Jos Bartholome l¹⁰ siner gelübt ledig gezelt vnd jm, ouch andern, so minem gnedigen herren von Osterrich etc. zugehören, l¹¹ der vrsach halb die strassen nut jrem gewerb nicht beschlossen werden, als jr versteen nach allem l¹² herkomen der sach billich beschicht. Das jch ouch zu der billichait vmb vch vnd die uuern jn l¹³ so getanen sachen herwiderumb gern wil beschulden. Datum vf sonntag vor Thome l¹⁴ anno etc. LXX^{mo}.

l¹⁵ Vlrich fryherre zu Branndiss³, l¹⁶ vogt zu Veldkirch⁴ etc.

^{a)} *Initiale M 3,6/2,3 cm.*

¹ *Sattains, Vorarlberg (A).* – ² *Veltlin, ital. Prov. Sondrio.* – ³ *Ulrich v. Brandis, 1452-†1486.* – ⁴ *Feldkirch, Vorarlberg.*